



GOMENDIOAK: ELURRA



Gomendatzen dugu Euskalmet web-gunearen bidez <http://www.euskalmet.euskadi.eus> eta Twitter bidez (@Euskalmet eta @112_SOSDeiak) eguneratzen diren iragarpenak jarraitzea.

Hona hemen Eusko Jaurlaritzako Larrialdiei Aurre Egiteko eta Meteorologiako Zuzendaritzaren aholkuak elurra harrotzen direnerako, ondorio txarrik ez izateko, edo ahalik eta gehien murrizteko:

HERRITARRENTZAKO GOMENDIOAK:

Prebentzioko neurriak, bidaiatuz gero:

- Errepideko egoerari eta eguraldiari buruzko informazioa aurretik eskatu. Euskalmet-era jo, edota deitu Eusko Jaurlaritzako Trafiko Zuzendaritzako telefonora: **011**.
- Eguraldia benetan txar-txarra bada, hobe da bidaian ez atera. Ahal dela, erabili garraio publikoa.
- Alabaina, bidaiatzea ezinbestekoa baduzu, ziurtatu pneumatikoak, galgak eta izotz-kontrakoa ondo daudela, kateak beti eraman, erregai-tanga bete eta hartu berokiak. Ahal baduzu, telefonoa eraman beti; are gehiago, bigarren mailako errepideetan gidatu behar baduzu.
- Poliki ibili, izotz-plakarik balego adi; batez ere, laiotzean.
- Aurreko autoari tarte handia lagata ibili, normalean uzten den tarte baina handiagoa.
- Ez aldatu noranzkoa tupustean. Bolanteari gozotasunez eragin, eta martxa laburretan ibili.
- Izotza dagoen zonaldera sartzean, ez zapaldu galga, utzi ibilgailuari bere inertzia hutsez aurrera egiten.
- Erabili neguko pneumatikoak eta, pneumatikorik ez baduzu, jarri kateak autoan izotza edo elur gogorra dagoenean edo zirkulazioko agenteek adierazten dutenean.
- Irratia oso lagungarria izan daiteke une oro ondo informatuta egon nahi izanez gero.



Prebentzioko neurriak, mendira baldin bazoaz:

- Hobe litzateke mendiko txango eta ibilaldiak bertan batera uztea. Irtenez gero, nondik nora ibiliko zaren esanda utzi.
- Joan nahi duzun lekurako zer egu rald i-aurreikuspen dauden jakin, eta kontuan hartu ez dela harritzekoa mendian eguraldia bat-batean aldatzea.
- Eraman ekipamendu eta arropa egokia. Motxilan erretserbako jan-edanak eraman.



- Aukeratu leku egokia, zure sasoiaren, praktikaren eta lekuaren arabera. Ez eman balio handiegirik zure egoera fisikoari ezta zurekin doazen egoerari ere ez, batez ere umeak badira.
- Ahal baduzu ez joan bakarrik, eta ahal izanez gero, eraman telefono mugikorra.
- Aurrez jakizu aterpe edo bordak non dauden, tenperatura asko jaitsi, ekaitza lehertu edo bestelako arazo meteorologikorik izango balitz ere babestu ahal izateko.

Prebentzioko neurriak, etxean:

- Kontuz ibili berogailu lagungarriekin (estufa edo sutontziekin), ezustekoren bat gerta daiteke eta.

Larrialdietan hartu beharreko neurriak, elurretan ibilgailuaren barruan geratzen bazara:

- Ez atera autotik, denboraleak barruan zaudela harrapatzen bazaitu.
- Motorra piztuta eta berogailua jarrita eduki; tarteka, berriztatu airea.
- Saiatu loak ez hartzen. Tapakiren bat eskuratu, eta bero jantzita ibili.

Larrialdietan, deitu **112 zenbakira.**

UDALENTZAKO GOMENDIOAK:

Prebentzioko neurriak:

- Udaleko larrialdiko planeko ekintza-planean agertzen diren langileei abisu eman. Bestela, halako egoeretan lagungarri izan daitezkeen udal-zerbitzuak aktibatu (udaltzainak, boluntario-taldeak, obra eta zerbitzuetako langileak, ur eta estolderietako zerbitzuak eta abar).
- Ez ahaztu Udal Larrialdietako Sareko TETRA emisorea daukazula, SOS Deiak Larrialdiak Koordinatzeko Zentroarekin harremanetan jartzeko.

Larrialdietan hartu beharreko neurriak:

- Gomendatu herritarrei urrun ditzatela ibilgailuak urpean gera daitezkeen lekuetatik edo erreka inguruetatik, eta jarri leku seguru batzuk ibilgailuak hara eramateko.
- Begiratu ibilgu nagusien emariari, eta larrialdiak koordinatzeko 112 zentroa jakinaren gainean eduki.
- Ibilguetatik hurbil dauden errepideetan urpean geratzen diren puntuak zelatatu eta kontrolatu, bereziki, zubi, ibi eta tunelak.
- Jakinarazi herritarrei euri-jasen arriskua dagoela, eta azaldu zer neurri hartu behar diren arriskua prebenitzeko.

Larrialdietan, deitu **112 zenbakira.**

LARRIALDIETAKO ZERBITZUENTZAKO GOMENDIOAK:

- Egoera hauetarako kontingentzia-planean zehaztutako langileei abisu eman. Bestela, egoki iruditzen zaizkizuen laguntzaileak aktibatu.
- Moldatu eskura dauden bitartekoak, dena delako egoerari ahalik eta ondoen erantzuteko.
- Jarraipeneko mahaia edo krisi-mahaia antolatuz gero, garaiz jakinaraziko zaizue, edo lehendik aurreikusita zeudenetara dei egingo zaizue.